



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ბეიერი ტატიანა პეტრეს ასული

ბეიერი ტატიანა პეტრეს ასული (18. IX. 1898, თბილისი, - 25. IX. 1981, იქვე), არქიტექტორი. საქართველო. დამს. არქიტექტორი (1967).

დაამთავრა თბილ. სამხატვრო აკადემია (1930). მუშაობდა არქიტექტორად, უფროს არქიტექტორად რესპ. სხვადასხვა საპროექტო ინ-ტში, 1953-იდან გარდაცვალებამდე – „სოიუზგეპროტორგის“ თბილ. ფილიალში. მის მიერ შედგენილი ტიპური პროექტების მიხედვით აშენდა სოფლის მრავალი საცხოვრებელი და საბ. დანიშნულების ნაგებობა საქართველოში. სხვადასხვა რეგიონში (1930-40-იანი წწ.); ნაყოფიერად მუშაობდა დასახლებების (1945-50, ავტორთა კოლექტივები; კოლხეთი, აფხაზეთი, სამგორი, მესხეთ-ჯავახეთი) დაგეგმარებისა და განაშენიანების პროექტებზე; ავტორია რამდენიმე სავაჭრო და სამომსახურებო დაწესებულების პროექტისა შავი ზღვის სანაპიროზე (1960-იანი წწ.; ადლერი, სოჭი, ხოსტა); მონაწილეობდა ქალაქ-კურორტ ნყალტუბოს პირველი გენ. გეგმის დამუშავებაში [1936-37, 1940-41; ნ. სევეროვთან (ხელმძღვანელი), ბ. ლორთქიფანიძესთან, ს. სატუნცთან ერთად] და სხვ.

მიღებული აქვს სახელმწ. ჯილდოები.

ს. კინწურაშვილი
